

重修在平縣志

禮

地140.243

39.1

126



丙寅仲夏鐫

重修在平縣志

板存庫房

在平縣志合編序



在邑地接鄒魯之鄉士敦詩書俗尚禮讓蓋濟北之名
區也乙丑歲予承乏是邑時值土匪猖獗軍隊往來策
治安籌兵餉日夜兢兢惟曠職是懼蒞茲二載地方平
靖民情粗安乃於公退之暇取邑乘閱之體例備極精
詳風土人物歷歷如在目前外有附編補續烈女一門
雖已鈔板尚無卷帙不覺喟然嘆曰邑志者固一邑之
信史俾後世有所取徵而考鏡者也茲惟正志儘備觀
覽而附編續錄烈女貞婦守義殉身之大節扶植綱常
維持名教允足以激風勵俗豈可聽其闕而弗傳乎於
是籌款集貲竊將市楮工重新印刷璧合而成爲一
書以昭茲來許時有陳君治軒王君鳳祥徐君炳臣王
君潤身等協謀襄助以竣其事非特發潛聞幽以崇褒
揚之典而前人纂續之功亦可後先濟美並傳不朽焉
是爲序

在平縣志

卷首

合編序

一

民國十五年歲次丙寅仲秋正在平度縣知事調署在
平縣知事越東張寅謹撰

邑志合編序

人事之廢興每因運爲轉移故剝則受之以復損則受之以益革故鼎新此理之固然亦勢之所必至也吾在縣志自前清末年邑侯盛公重修付梓而列女一門因緝於經費闕而未續迨民國八年縣長沈公倡議續刊附於志末然板雖鋟刻尚無卷帙歲乙丑今縣長張公來蒞我荏政務之暇檢閱邑乘見正志之外尚有附編未錄深嘆其缺畧而非完璧馬越丙寅春政敷民和百務具舉乃重修宜聖廟奎文閣以振興文教補葺四賢名宦諸祠以重祀典城池使之深固以嚴守禦道路使之蕩平以便行旅種種實政繫人謳思茲又表敷風化續錄節孝而補邑志之缺於是籌款僦工重新刷印俾正志附編合爲一書即委王君梅堂徐君伯炎魏君竹君楊君育樓等暨予以董其成發潛德闡幽光上崇褒揚之典下寓激勸之意斯志之關乎世道民風者豈不重且鉅哉公名寅翰庭其字也浙省溫嶺人蒞治以來善政多矣此其大者余故不揣謏陋粗述其畧而爲之序云

荏平縣志

卷首

二

民國十五年歲次丙寅重陽節前邑人教育局局長陳治軒謹序

重修荏平縣志序

荏地平曠無山川鍾毓之奇然自戰國以來人才輩出如魯仲連馬周張鎬諸賢皆勳名事業震耀寰區嘗於讀史考古之餘心竊慕之王子春余適承乏是邑值民國初立百務待興簿書之暇披閱邑乘模糊半不可識蓋舊志修於康熙庚寅去今二百餘年其間兵燹屢經滄桑日變匪特政教之得失風俗之汙隆戶口之登耗民生之利病闕焉無徵卽端人正士異節畸行數傳而後且將漸歸於漸滅修墜舉廢是非守土者之責歟爰進邑之士紳而謀之僉曰前邑令盛公津頤曾開局重

荏平縣志

卷首 序

一

加編纂以紬於經費未付剞劂旋卽告歸乃取其書而讀之見體裁完密方之舊志殆有進而愈上者何前之蒞斯土者與余不言心相符而志相合耶余忝司民牧歷政日淺旣不能爲一國立不朽之事功又不能爲一邑興永遠之利濟坐令此垂成之業廢然中綴問心不愈滋慚乎於是捐廉付梓任其事者爲李君碧泉劉君儒臣崔君式堅衆志僉同遂得告厥成功焉余不揣固陋弁言於卷首以述其顛末如此

中華民國元年九月卽壬子年八月知荏平縣事陽湖劉宗嶽謹序

荏平縣志卷首

舊志序例

原修荏平縣志序 缺

荏平縣新志序

荏平舊有志以簡陋故弗克傳邑侯祥符王君甫履任慨然欲加重修若曰志者記也記載弗詳後曷以觀于時邑務鞅掌未暇也越旣三載蘇涓療明教化秩禋祀業已舉其大者庶政以和檄博士弟子員萃子史之言增舊志所未備斐然成一家之書夫邑志詳於郡省勢也因文獻無徵至取諸郡省所載而分例之淺之乎不

荏平縣志

卷首

舊序

一

足觀也在昔列國皆有史存故實耳夫子假魯史修春秋示王法以開來世固亦史也而例弗同今志準國史天文地理無容變易至建置之始末戶口之登耗物產之豐歉差科之繁簡災祥之形見覽者足裨民瘼志不痺惡有其善者書之彰善意也撫卷興思其所繫非渺小矣境無名山大川取諸培塿故跡隱見盤礴皆靈秀所鍾遠而東岱綿亘歷巽坤抵艮會通漕衛廻環滌帶荏當其中上游之勝地也在周秦爲三齊門戶至今日乃兩都襟喉前元時軍馬倥傯靡有孑遺明興二百四十年來生聚日盛四民樂業雖差賦繁重皆不忍去其

鄉土自侯至荏銳意拊綏所以節宣運量者沾被優渥
卽志所載亦畧可見夫後之視今猶今之視昔也欲加
惠荏民者寧不有鑒於斯乎或謂荏無文章殊不知七
篇仁義炳若日星密邇館授風教未泯淳于之雄辯仲
連之高義中書之奏對文章莫大乎是宜厯世不乏賢
也侯政聲籍甚內召不遠斯志爲棠陰峴碑繫深長之
思矣不佞儒栖遯荏壤與聞荏事志成屬爲之序因書
以復

萬厯十二年歲次甲申季冬望日前進士郡人丁懋儒
譔

荏平縣志

卷首

舊序

二

增修荏平縣志序

粵古王朝列國並傳信史豈徒括往蹟跡故實嘒嘒然
炫燿一時蓋彰善闡幽以規示百代洵重典哉迨後邑
各有志志卽一邑之史也世治民風繇上轉移可自厚
之薄可返薄歸厚顧上所爲握機權神變化者將在志
矣烏得不隨時增葺以備觀覽寓激勸哉縣志昔經邑
侯王公纂集如星野疆域類甚詳無容喙矣第志成於
萬厯甲申距今已越念有餘載其間賢侯接踵若朱若
蕭皆愷悌仁人渥澤者久故廷擢之後士民啣恩圖報
相率建祠勒珉以識不忘詎庸不託之剞劂以永世乎

此志之當增修一也荏當兩都孔道徵發旁午素號難治自昔侯果毅之才劬勤治理敦篤教化駸駸乎萌隸懾馴博帶姱修矣今吳侯諄切撫循嘉與劇礪故一時士習民風翕然丕變諸如賦役勤輸節孝疊見科貢不乏而人文颺起更皆前志所未及載者此志之當增修二也頃聞客歲初秋霖雨浹旬城闈四境滙若澤國無問氓庶室廬蕩漾如掃卽黌宮垣舍先賢祠宇崩圯殆盡吳侯蒿目拊心不遑寢食矧孟子館於西門新司以隆祀事建名宦鄉賢祠於戟門兩掖以正典禮濬三元井泉於學宮內外以培風氣而翊文明何莫非廣厲學

荏平縣志

卷首

舊序

三

校興起人心之最切且鉅所宜臚列紀載以垂不朽者此志之當增修三也余又聞之懸鵠在望懦夫決拾言貴倡也今我侯政聲騰茂不日且奉詔補臺諫矣嗣今而蒞荏者覩此以注惠斯邑表敷風化與二三賢侯後先媲美其造福我荏士若民寧有旣乎余方執掌簿書無寧日乃違辱父母之命曷敢以不文辭因據所聞於今昔者述之序云

萬曆三十五年丁未吉日進士王國賓拜撰

增補荏志記言

邑之有志猶國之有史將以傳信俾千百世有所取徵

而考鏡焉厥惟重哉荏志初修於祥符之王君再修於清苑之吳君迄今五十餘年其間災祥休咎風俗醇漓吏治臧否人文盛衰以及戶口之增消國賦之盈縮歷年久遠無所筆紀不幾湮沒無聞乎辛丑夏余受荏令晤諫議北山公於都門所言皆地方利弊尤以邑乘久廢爲憾余不敏竊服其言之公而最當也時靜也張公中是年進士候

廷對里居余得時相過從取邑乘之缺畧者請正焉張公鴻才博學指陳往事如數家珍余因藉手告成蓋不禁掩卷而三嘆也考邑之戶口明季四萬九百有奇今

荏平縣志

卷首

舊序

四

存丁并余審編得增者僅九千餘耳明季田賦一萬一千有奇今額田并余勸墾復增者僅四千五百餘頃耳去勝國會幾何時而盛衰大相徑庭也公署則前志所載蕩然邱墟矣印官寓半間之厦糧捕兩衙隨時僦居而無定宅市肆民舍寥寥五十餘家頽壁瓦礫一望蕭然余承乏斯邑念切撫循惟兢兢以曠官是懼近且民日多土日闕賦日增流移之氓漸安其居絃誦之聲不絕於耳荏其剝而將復之時乎不佞蒞政二載見其民俗淳古人文蔚起庭少健訟里多樂輸通籍者樹功勒績於

朝端伏處者砥行立名於鄉曲固聖域之習成而亦我皇極維新之漸化也纂志告竣會余南遷謹督成帙以傳示來世無負靜也公採集苦心北山公相勗至意云爾

康熙二年歲次癸卯春三月荏平縣令廣宗王畫一謹記

重修邑志序

吾荏視疇昔罷甚矣蜚鴻肅羽於中澤萇楚猗儺於原隰驛使旁午徵調紛紜歌蔽樗者未復阻昏墊者其魚欲得仁人君子生聚而教養之非數十年不爲功大雅

荏平縣志

卷首

舊序

五

之詩曰民亦勞止汔可小息又曰豈弟君子民之攸墜望之切思之深已辛丑春宗州王父母較若公膺簡命來視茲土甫下車而甘澍隨之訟衰刑省三月而四境大治士服其教民懷其德不期年振頽起敝百務具舉有司上其績於彤庭特

賜褒嘉不次優擢居無何以邊圉需長材經理授貴陽廣順州刺史公眷顧於荏弗忍釋也念數十年來滄桑日變兵燹頻仍邑之舊家藏書率多散佚卽邑志亦僅一二存者且自清苑吳侯迄於今五十餘載其間天時人

事歲序推遷機祥祲氛興廢不一不有述者後曷聞焉
公慨然太息曰荏山亦樂土也昔何以裕今何以絀休
養生息非有土之責歟比來田野漸闢人文蔚起其殆
剝而將復之會乎後有君子嗣而綏之庶徽風之不遠
也志之以觀時變是亦文教之一端云爰咨爰度請於
山公崔君東萊張君及一二摛辭能文之士綴輯遺聞
撫拾近事廣蒐網羅續於舊志之後載文貴簡不貴博
記事傳信不傳疑他日執簡蘭臺珥筆

天室將於是乎徵之余自戊戌上公車應

廷對而來也試館職淹留京邸不窺故園者六年於茲

荏平縣志

卷首

舊序

六

矣里人來遊京國者時時爲余言吾鄉漸有起色四方
之士君子經齊魯以來者亦具爲余言吾荏疇昔凋瘵
之狀未嘗不咨嗟而動色也今日者得賢父母爲之生
聚而教養之瘼者以愈困者以蘇水火之餘登諸衽席
將見後之宰是邑者聞風興起其必有繼牛徐沈朱蕭
李諸君之遺教善政以加惠吾荏者乎俗尙禮義之舊
鄉守高士之風家絃戶誦平疇沃壤比屋而封鳴琴而
治安在今不如昔耶是役也遙觀厥成舉數百年吏治
之隆替民風之淳漓人才之盛衰戶口之耗息山川城
郭之變遷及夫節義文章風土人物一開卷間離離如

列眉豈非茲邑之所必詳耶編纂告竣廼略述其梗概而書以誌時日

康熙歲在癸卯橘如晦日書於燕邸之竹香堂邑人王曰高謹識

續修邑志序

余甲申仲春承乏荏邑路當孔道疲憊實甚兼值丹水告警之後十室九空余用滋懼慮無以撫字安全之恐來曠官之羞也退食之餘取邑乘閱之邑之風土人物歷歷如在目中乃恍然悟文獻之足徵也所關詎不重哉自王君重整以來迄今四十餘年事之散軼者恒多

荏平縣志

卷首

舊序

七

心輒惻然動者久之抵冬杪學首孫生率諸生以呈請志於余余喜其見與余同卽思與諸生更圖之迫於歲歉費煩未暇也今春暮爰召諸生而謀之咸以不敏謝余乃慨然曰余俗吏也無如椽筆志之不修使名勝高賢黯淡無色非獨余一人之責也抑邑人士之恥焉言及此諸生始毅然任之擇諸生之老成者數人與共之諸生訢然從之拮据掇拾廣搜博采不越月而脫稿成舉以授余曰微公之力道傍之舍曷克有濟余受而讀之不覺喟然嘆曰山川古蹟千秋不改俗尙文運隨時而新不有此番經綸仍望後之斷而復續也難矣諸生

之用心良苦矣其有心於政治俗尙者匪淺鮮矣余睹
桂境之城郭傾圮宮室廢弛人居寥落真有寢食爲之
不寧者無日不思所以轉移而化導之其如天災流行
拯救之不暇何余實有志而未逮也爰捐貲而付之梓
人

康熙歲在庚寅桂月荏令三韓王世臣書於公署之製
錦堂

續志弁言

續志非余所敢任也自前宗州王公重修而後距今四
十餘年事缺而未備後之人將無以考徵焉識者懼之

荏平縣志

卷首

舊序

八

時欲與二三同志考證今古編輯成帙以垂後適三韓
王夫子來蒞我荏政務之暇慨然以續修爲己任而委
之明經孫子余適濫厠義塾不以固陋甚囑與同事承
父師命樂文事之有成黽勉共襄不敢告瘁良有由也
若夫據事直書不稍假借彙爲一邑信史孫子實董厥
成焉則余未之或敢

康熙歲在庚寅小春邑後學張銘書於古清風館中

修志職名

纂修 荏平縣 知縣 王國弼

增修 荏平縣 知縣 吳道明

重修 荏平縣 知縣 王晝一

編次 邑人 進士 張翕

同纂 邑人翰林院改工科右給事中 王日高

校閱 邑人刑部觀政進士 崔迺吉

署教諭舉人 張鳳采

邑人舉人 董其成

考授通判 路遵正

荏平縣志

卷首

職名

九

同纂 生員 高鶴

生員 孫錦裳

生員 陳發祥

督刊 縣丞 徐行健

典史 宋循鴻

續修職名

督修 東昌府 知府 孫元衡

續修 荏平縣 知縣 王世臣

校正 荏平縣 教諭 王養純

荏平縣 訓導 李璿

荏平縣縣丞張日昱

同校己酉舉人王言

乙酉舉人王五驄

續編戊子貢士孫克緒

採輯增廣監生王宜紀

廩膳生員張銘

廩膳生員吳閩生

督刊荏平典史李鎮芳

荏平縣志

卷首

職名

十

重修職名

監修 荏平縣知縣 盛津頤 字我知武進監生

監校 署荏平縣知縣 劉宗嶽 字季岱湖監生

纂修 前臨清直隸州學正 張建楨 字子幹平舉人

分纂 增 生 趙又揚 字伯華邑人

校對 山東候補縣丞 劉儒臣 字漢章貢生邑人

候 選 訓 導 李碧泉 字蓮塘貢生邑人

女 徽 候補府經歷 崔式堅 字肖庭貢生邑人

探訪 廩 生 崔承沂 字鎮青邑人

文 生 慈金銘 字新盤邑人

荏平縣志

卷首

職名

七

廩 生 田思貢 字蘭齋邑人

文 生 郭長英 字子掄邑人

文 生 劉同修 字叔懋邑人

文 生 劉汝藩 字世屏邑人

貢 生 龐兆熙 字邑人

荏平縣志凡例

一舊志自三韓王公續修而後迄今二百餘年剝落漫漶幾不可識因循既久訂輯殊難

一舊志祇分六門綴以子目雖極簡要未稱詳贍今爲之變其門類凡所訂正率依史例

一舊志無 宸翰今遵嘉慶府志敬列卷首

一地理一門疆域之外惟沿革所關爲最要考各史地理志元和郡縣志元豐九域志太平寰宇記所載與舊志多有不合今按正史佐以羣書逐加更正較諸舊志似得其實

荏平縣志

卷首

凡例

三

一營建本乎人爲不同地輿之因乎天地也有昔有而今無者亦有昔無而今有者匪特城池橋梁切於利民卽祠祀公署驛站舖舍亦闕政體今悉以現在者爲憑其餘寺觀坊表仍依舊志

一食貨莫大於賦役其戶口賦役悉照賦役全書與見行條例編次而以倉儲物產終焉

一學校關一邑之人文舊志不立專門非所以崇儒道也今遵 禮部則例及見行儀注叅之廟學居首典禮與學田學額次之學堂又次之

一舊志無武備附兵防於賦役入兵事於災祥茲另